

温州市图书馆

0000

温州市图书馆

珠樹堂集

易庵學人王祚昌玄翼父著

門人周天鏡焄如父錄

上闕陽也氣喜發散在外風陰也氣務入而在內則雷欲出而

得出故激盪而加厲風欲入而不得入故決橫而不已故之勢

交相助益恒則雷舒而和風入而散彼此相不相故恒也造

化之機人心之用聖人之學大率先巽入而後震冬而後春誠而

後著潛而後是恒事益則於震用其巽入誅凶格苗

畝若固有地平天成無所事亦逆恒也讀咸與益則知恒

之義矣剛柔應是陰陽相無

送陳非我戍閩

謂君出位有言者以余論之當非是范文正做秀才時便下

為己取復謂空是君之指不應掛一事其齒豈知擔荷世道人胸  
中定一無所已者得空也復歸空方可以生可以死忠死孝人便  
是伏第一弟子君今得罪且南去身在我行名在史我今贈君別  
一說但有箴規無頌美盛德容貌殆如愚吾生所學無窮己子房  
曾為帝者師生平得力都由圮千金子不垂堂輕身博浪何為  
尔包容忍耐是男兒不見夷舉方方今明聖履旁求休嗟有  
肉生吾髀東西南北無為事不止此勗哉勗哉復勗哉

鞭影追風可千里

七月七日諸弟子祝幻公於仁王寺余懶不肯往書扇頭字

意

是日七月七幻師七十七生來稟得  
向天孫乞錦囊却從玉井飲瑤漿鼓琴

西華獨旺金為質不

轉一

丸蠅何須畏壘祝庚桑子晉吹笙我亦

霞

一水亦為別三春忽復過此情不自禁相可如何

其二

荷葉散晴氣田蛙齊暮聲輕寒扉下立誰為說卿卿

其三

白髮年年改玄文日日新自憐瓠上業羞殺鏡中人

其四

沮醞多勞爾文章亦苦余文章無用處  
沮醞實堪茹

其五

割肉歸遺汝誰為金馬僊  
庖炊未足自問淚潸然

其六

績學如績絲樂年機下拜五十尚  
知非敢云吾已僊

其七

課兒阿父事頑鈍無如此  
孟中復寡緣淵何所以

其八

而亦教二子連朝可  
熊丸與荻畫懶惰莫由此

其九

古道不可荒流俗不可既  
明德各慎之弗天知未

東林任先社長

僻野殫人面顏自愧踈違教益百凡莽然可知矣敝書一序微言  
妙絕深領玄旨非直皇甫增價也 聖人用嚴明為治生翁濟以  
寬厚於吾兄未為不知人人言藉藉何足為論功名之際正當以  
道力勝之語云積粟防饑此其時也沈當湖君藁序如命新照珍  
重

真林荆宙先生代

弓倣器良木摩光發專室坐愚却啣駕蹶古道云遠俗欣柔滑我  
懷古人得覲君子三四友生珠連玉倚種去而糝酒漉而滓凡我  
齊盟推長我公萬仞其羽千頃其中至剛不判至和無同時惟屠  
子頡斯頡斯匍匐從焉余與登之方用斯矩員用斯規乃扶我疑  
乃慰我私文章有鬼造物不謀劉簣第雍齒且侯山隈水曲麴  
部詩郵拜壇圖閣付之一  
之役釋  
燕王事鞅掌公曰

勉旃慎懷明德久要勿遷  
禮五載  
依生我既謝知我不

希願言綠野與子同歸亡何  
江右別我中川携觴及豆

公豪而強余偃而瘦屠將燕遊  
方邁匡廬寡緣予以病告敬

之訃聞既怛而悼歸哉歸哉言尋舊  
好綠竹漪漪衛公未老何期

腥穢觸我東藩帝曰汝往乃伏復齊  
奔公方伏枕灑灑其論我來

自東家報聿至云公奄然乃復我棄  
我嗟乎悲哉不遑假寐疊山

茫茫積水湯湯素車白馬  
則荒於以覲公聲煌煌於書於劍

於琴於觴我  
宋子  
兜曹招魂寫曲勞心切切有詩不韻有

辭不騷  
漸袍公何所憂斃焉得正繼體麟文貽厥

龍性吾輩忽焉埋  
人鏡擿埴索塗營營靡聘青城一瓶香箕一

孟翩翩舞鶴假須臾人  
人間地下已各半矣百歲隙駒無用長吁

明故文林郎溧水縣尹念初陳公偕元配侯孺人墓誌銘



余萬曆戊申從念初公操觚於社乙卯從公舉於鄉辛未偕公官  
於江右既復為兒女之戚公之即於幽宅也不屬余余將誌之矧  
厥孤走數千里以請敢辭不文且亦諗夫誌公之無以為也誌  
曰嗚呼宇宙有骨性男子其為文章與制行服官誠質有媚  
其私浩浩落落焉不制於外用是得之亦趣用是之者非念初  
公其人歟按狀公諱汝益字靈生號念初姓陳其先宋評事松  
溪公自閩赤岸徙溫之平陽五傳康四公遷郡城水心里世以布  
衣行義克有令德水心遂以著姓再三傳為梅澗公諱天祿起家  
鄉貢丞華亭嬪太師羅峰公從女公曾大父也梅澗公生四子其  
季為公大父南洲公諱玄諒以上舍歷南寧南寧亦四子公父  
初暘公次之初暘公諱懋策萬曆乙卯得雋浙闈署涑水教諭以  
文行隆重涑水之教不肅

廣文葉李川公女舉我公生

而直諒慷慨不能為回曲 抑稍試為博士家言亦輒能劃然

獨伸己意初暘公竊心異 庚辰携至涑水讀書署中學成矣亡

何初暘公捐館舍公蓋僅十五年也節毀順變扶襯抵家旋卜宅

兆靡不恪信由禮鍊達明斷時已見一班矣母夫人既失涑水公

公事無大小必咨命惟謹讀禮之暇徐理舊業日益湛邃理肯揣

之己意不安肯不休俗艷時腔不屑屑也服闋應童子試遂進肄

宵雅予每與 龍友讀其文輒篤詫奇絕不敢齒顏行云亡何

母夫人 力醫禱勿効公痛幾不欲生蓋喪於外則用禮

哀且踰禮矣乙卯應科試文宗周斗垣公器拔之遂

領 薦然六上春官卒以不第蓋公之為文章不制於外而

制於中其得失如此辛未余轄江右龍友司江右文衡公謁選邊

得奉新縣余兩人私慶幾得公旦夕指揮吏事乃公至奉則地

民頑積逋且冠通省司農檄急星火公屏一切火耗饋遺以天  
子不得已煩苦百姓至意而積逋以次輸小民且不知令之急我  
也奉新賢書久輟公雅意作人訓迪覆被之至今雋者接踵無一  
非公識拔士公誠信待其士民士民不忍以私嘗顧公之為不  
能媚上官如其為文章不能媚時俗嗚呼余與龍友君素知交  
而公公堂一謁外未嘗一作促膝語而它可知已癸酉入覲當時  
事者恚公以公之所輸補前令缺額而反缺公之輸額豫人士  
為白於朝因移令應天之溧水公之為溧水猶之為奉新其得之  
溧水士民者猶其得之奉新士民其失之溧水貴人者猶其失之  
奉新貴人公不能少哀益俯仰其間也竟用淳中公公拂衣  
蓋公之制行服官不制於外而制於內也其又如此崇禎  
子十二月初二日舟泊姑蘇以觸寒竟不諱距生萬曆戊寅七月

十六日享年五十有九元配侯孺人為僉憲筆山公孫女父為文

學文鼻公大小婉折率如公意故公益邁焉自得初公自奉新入

覲孺人辭而歸方抵舍而以積勞勿起先公三年卒為崇禎癸酉

七月初三日其生則萬曆壬午五月廿三日男三長良健郡庠生

次良佐良傅俱邑庠生女二長聘余長子天錫次女許聘龍友

君幼子錫鎔均未字卒孫男二孫女三厥孤等將今以庚辰之某

月奉柩合窆於麗奧之原面甲背庚余既誌之因系之銘銘曰

奉曲鬱抑為木之病而以贈人無不忻者生氣舒直庇蔭蒸蔚乃

弗如鄧林故吾以下公之後人

謎

呼來是獸屬廿一隻眼睛六面八個角兩兩三三相對躅樂樂樂

說也說錯也錯勸君莫

珠樹堂集崇禎辛巳

易庵學人王祚昌玄翼父著

門人周天鏡焯如父錄

山東布政使司重建大堂碑記

國家兩都並建設布政使司者十三號曰藩司言屏藩帝也職

在古為方伯治則祇承天子德業布宣元元其有不寧不遲則以

天子命勤六師討服之我國家文武互劑法雖盡爾其意則

遺山東布政使司地當兩都之衝五方之長至重拜前

記公堂寶重脩於天順之五年規制崇禎戊寅虜騎自喜峰

口突入省會屠人民焚屋舍載婦女輜重以去而堂並災於戲考

朝廷立官之意如彼值醜夷犯順之辱如此吾輩尚何言哉己卯

余備員茲土冬十一月抵任流民未集驚魂未定溝壑有未起之

僵莩比戶有未煨之鬼燐 借蒼頭僦燼餘之民舍以居坐蓬廠  
間視事蓋孔亟也自冬徂春凡幾月乃謀之某官某人得公費銀  
若干某項銀若干圖始厥事復以某項銀佐之稍師范文正公役  
吳中饑民新 事先建二門更造公堂及庫共用過銀若干  
兩規模十不及初之三四聊以晉庶僚布令甲肅體而已余既出  
是堂惴惴乎不能旦夕寧也今天下豈非所稱主憂臣辱之日歟  
哉軍興煩急無以佐縣官閭井空虛無以甦赤子其在山以東飽  
虜 足而大兵奪其餘兵慘於虜飽兵不足而亂民奪其餘民復  
慘於兵良民歷百死而得一生而冬苦無雪春苦不雨粒種靡遺  
草樹幾盡蝗蝻蒙天人將相食天乎斯民何辜至此極也聖主焦  
思於上撤 藏膳以為民請命而吾輩晏然苟且於旦夕之有寧  
居云何 枯骸云何洗夙恥云何格皇天而報明聖哉今願與共

居是堂 失母謀田園 母謀妻子 母謀喫着 母謀踵頂 一以至誠  
心出之 寧才有弗及 而弗可以欺 寧力有弗及 而弗可以慢 寧知  
有弗及 而弗可以緣飾 恭敬和衷 乾惕靡怠 庶幾無忝 斯堂云爾  
意他日者 殷憂啟聖 內安外寧 泰山不 而加高粱 父不附而加  
厚物力 充牣與百姓 更始重復 宏制將在 後人乎 是役也 興事於  
某年月日 竣事於某年 月贊厥成 者為某董 厥事者為某 例得並  
書

東董虞雲社長

以吾兄之才之學 奄忽數十年 而天子始廷拔之 同人耿耿如物  
懸胸懷中 而驟得下也 雖然 寧直為吾兄 慶漢武有為之主也 董  
子三獻而勤勤 以敬天和 民為辭 若投石 然及其既 而疲而後  
乃重農 搜粟不勝 其悔之深也 方今何時 山以左 何地解懸 起瘠

在呼吸間世有董子豈以江都散置之哉蓋天子之意深矣孟夫

子之於齊蓋拳拳焉終其身今者之濱固昔賢所欲一日惠民

而不可者吾尤重留意焉悚息

奠樂清友人施君朋

維某年月日君朋之去逾週矣友人王某始克具椒漿酌而奠

於君朋之廬蓋悅兮愔兮若索其人於無何有而莫得其鬚眉聲

跡也則又若鷓夷赫蹠清防承影種種欲動呼之或出也於惟君

朋已化者骨不化者神之托以不化者屹然焉出委蒸

蒸焉雲垂蓬蓬焉風動者子之文與夫蕩龍湫之瀑摩老僧之頂

飲靈峰之液炊玉甑之芬者子之遊踪兼與夫忽鼓忽跳忽嘻忽

吁忽拈摩以加厲忽融憚而釋如者子之生嗚呼君朋豈遂若

朽木之振落一墮地而無存豈復若廣陵之既闕倏闕寂而無



聞而獨無如某之筆禿思塞語耿耿而不能舒之胸而獨無如某  
之蒿戶蹇足而無與掖之出門而獨無如某之專室坐愚顧影銷  
索而無與為風風雨雨岑岑鬧鬧之嗚呼君朋疇則尼子之  
輒而使不還嗚呼君朋疇能逆予之淚而使之乾嗚呼君朋何不  
起而把余之一卮而使斷斷其齒策策其髮殷殷其聲炯炯其精  
者尚得彷彿於須臾之間

寂光寺鑄鐘冊

佛之為言覺也

夢必有

覺方其夢也覺性自如及其覺也

夢境永斷權在夢覺之間一提喝之而已使先知覺後知使先覺

覺後覺此空桑氏之旨與空王氏一也夫晝夜者生死之影事也

晨昏者晝夜之旋樞也方夫萬象餘清黑甜已足一輪乍起嚙語

猶聞自非鼓卯位之欲音振西方之金氣何以破震噴拔死回

生此招提之擊鐘實蒙虫之撲掌寂光寺法鼓徒聞鳧工未就求  
所篆籀其文陽燧其光者無有老上人暉適發此願余聞歡喜樂  
贊其成千萬語喚不醒漆暗頭顱百八聲驚撞開黑昏眼界不辭  
饒舌使共聞知

石  
鱗銘

周玄六先生才士也守真安州遷州治不費民間一錢判  
惠州以王師討黎平之先生之沒方十一年予所及見  
而不獲見媿也讀先生文刺刺斷斷在齒牙間其在惠携  
所產石鱗數百本草謂可明目漸散去無有厥族孫竺郎  
以一洪予予喜之銘其背

石  
耶體介也

石也勿

石子有解介於石

茶  
癭瓢銘

見有破茶樹將以爨者余鋸其癭命僧浪雲剝琢之成瓢

銘曰

天病汝人將灰汝有知汝者有成汝者有銘汝者嗚呼

南寶寮化油冊

佛為大光明藏佛何所用燈燈為供伏故衆生各具大光明藏何

所用供伏以供佛即佛故供伏即伏何以故無二鐙故南寶僧化

油余為書冊非為南寶故頗願大眾共挾出大光明藏故

司理柯公政聲序

嘗讀孟侯誥罰與德並衡庸庸祇祇威威稱兩無頗曰吁理難乎

或曰牧也雨諸理也風諸廟風風雨雨皆生也繇乎劑道宜爾故

曰推忠以及衆自瘼蠲不即倚法而行倚法而行疑董於之用

澗也夫用澗曷用稱理哉於今乃得我柯公公以百粵進士起家理

吾甌未下車余且備藩而東勿及一望見顏色越而甌人士群

呼曰理哉未越月而甌人士群呼曰非理哉豪而獫狁者社而

奸緡者立而冰也故曰理也場宜夜而皦

也故曰非理也公曰使吾法如海當令沿出之吾

法如山當令陂陀去之豈必盡法法而後法哉蓋自有公以來吾

甌之民幾不知所托宇宙何等時也索曠矣外門無高矣塗巷

金石迭宣竹肉競發矣今楚蜀三川扶肝剗髓而吾泰山梁父之

墟蝗蝻畫晦骨肉相厭以海天一角偶遯天怒驕淫奢恣數致犯

法何泄泄也而公則曰是獸是穽赤子而井也在死法必欲生之

即其不斁其一在死法而且百萬生之公乎是何滌蕩之而膏之

乎是何董之而休之乎吾甌人士積中何以積行何以得遯於天

而且深庇於公也於發於懷不能自已如候蟲時造物之氣

嘗	藩	臣	嘗	表	皆	嗚		焉	爾	用	或
嚴	王	事	不	章	以	呼	莫	大	庶	士	使
氣	得	君	與	其	抗	吾	徐	聲	幾	敦	之
正	罪	子	吾	遺		弟	惺	疾	天	廉	然
告	歸	事	輩	文	皇	竟	韋	呼	心	恥	余
無	乎	父	嗜	於	帝		先	曰	爾	民	以
諱	歸	夫	噬	方			生	毋	吾	安	為
乎	而	貞	談	先			代	負	於	朴	風
老	郡	婦	說	生			其	天	東	質	良
吾	邑	順	不	則			族	乎	人	秉	厚
中	之	一	置	見			矣	毋	日	直	雖
波	長	軌	也	之			問	負	且	而	然
族	與	而	曰	寤			之	公	惴	去	豈
子	鄉	已	吾	寐			則	乎	惴	械	公
弟	之	我	鄉	之			日		引	心	心
孫	縉	弟	黨	間			方		領	樂	哉
曾	紳	之	間	歲			正		而	靜	必
有	大	為	安	時			學		望	而	也
不	夫	豫	可	伏			先		桑	重	急
法	士	章	一	臘			生		梓	犯	農
敢	稍	也	日	徘			也		之	法	重
對	有	不	不	徊			呼		鄉	庶	穀
吾	不	嘗	知	壠			之		猶	幾	惜
弟	慊	以	此	上			者		華	公	福
乎	不	抗	義	未			曰		胥	心	儉

有不匍匐趣謝乎即有所曲直有不一訊具服於無匿情乎有不  
望廬返乎凡此皆所以為方先生者也方先生以正性直節沒其  
族吾弟以正性直節植吾族脩祠葺譜誌祀訓宗是也方先生以  
正性直節奔遯其子吾弟以正性直節世其子若孫在曾孫樓頭  
有書壠間有稼即無不帶經而課犁女貞而尚恥文譽振振而大  
節磊磊也人情好諛而至誠動物不能敵也王邑縉紳大夫士無  
不畏憚吾弟曰徐先生云而郡邑長無不欲執鞭長者則托之春  
秋醕勻以望見顏色蓋十有三舉矣而吾弟目近九十而矍矍炯  
如電閃手不輟披口不輟吟吟酣繼以酒望扶  
光返景平蕪疊翠跳躍鼓逢人不問擘讀書與君都作  
教誠語無倦容十餘年來遂不解城郭何物也胥餘氏所凡凡難  
得之福吾弟備是以今憶吾弟所唏噓於方先生者不益令人

悲悼不能已已乎時乎時乎方先生正復以正性直節頡頏吾弟  
於二百餘載上耳方先生呼吾弟曰可偕來矣弟曰諾遂條然不  
視蓋吾弟之晤先生非一夕之故也天成之矣嘻吾弟往矣身值  
四朝全盛之日以明經治上郡正容肅物潔已去間至今章江之  
曲猶有謳吟而思者吾弟可無負明盛獨恨今日者旱蝗夷闖靡  
有寧處東魯南楚西蜀中州婦子不保雖吾輩稍安捨然後生悲  
驕奢淫恣強力好訟誰能遯於皇天赫然之怒乎吾輩老矣而子  
姓壯且少不能作不葵緯憂昔聞童謡台温作戰場語不勝惴惴  
方先生台人卓先生吾鄉人賓於帝所久矣二先生雖天下士桑  
梓之懷不恻恻也吾來鸞鶴往來串狎豈不能從二公審厥理亂  
之故而少抒我憂饑憫時之胸吾弟其舉吾一杯而聽吾言且旦  
夕有以復我

壽閣伯

川駕序代

今夫才者餘於物者也精神者餘於才者也水大則物之大者畢  
 浮才猶水也精神則水之貯蓄停泓而出之之淵也萬物之來也  
 紛多而其理也旁午矢利則沒石刀利則批卻才利則破錯然而  
 沒石者非沒石也沒於意中之有虎也批卻者非批卻也批於目  
 中之無牛也此則精神之為之也蓼菜成行可以治十畝滌杯而  
 食不可以養三軍才無餘於物而精神無餘於才也今天下不若  
 崔葦乎不若蝗旱乎以兩浙言之其苟安旦夕不在大餒且蹶者  
 獨吾甌耳即甌之得以苟安旦夕不至人餒且蹶者僅兩稔耳然  
 而智迷崔智處危忘薪積驕淫奢肆喜動惡靜獄訟煩興盜賊充  
 熾吾郡之多事且百他郡甚哉吾民之夢夢也赤壁閣公以名父  
 之子侯世之能佐治吾郡公固以少年嫻習吏事服處積貫之所

沈汝曾  
 卷三  
 物園  
 徐韓  
 幼分  
 林說  
 著  
 卷三  
 身會



致如善琴者攫援標拂不失一弦蓋精神之所極也公之於良民也猶牧魚然策策堂堂予之者化公之於悍民也猶牧馬然去其害馬者而已矣然而非有兩也東郭北邙嗷嗷者嚙我緞也耕者去其弟而長其兄第豐草而養黃茂也公之見於山之左復見於甌之東矣今夫度尋溪而置一木則勇於者卻為之樹浮梁如履平地則怯者趨矣人所置足之地何必浮梁之多於一木哉身處餘則怯者勇而况勇乎吾獨知夫公之有餘於才者而非獨才也或曰公今日所施者僅也何以徵其餘嗚呼是今日適越而昔日至也槐之生也入季春五日而鬼目十日而鼠耳既而參天蔽日蓋有漸焉造物之所以試公與公之所試於天下者豈一日而足哉凡物畢見而後知者愚人之心耳昔呂氏有云至人察陰陽之宜辨萬物之利以便生精神足於內而年壽長焉夫長

者非短而續之也畢其餘也公粗者以治人而精者以治身夫亦

有以夫天生之分而畢致之者故足以壽公也

大圓和尚頌

大圓和尚者瑞安市上拾字紙僧也左手執長柄篋葫蘆右手執

竹夾見道上字紙夾拾葫蘆至飛雲江岩畔投江流日以為常蓋

二十餘矣年見其精勤予之供無虛日然日止一齋或施之

財以作衣履餘以予人夜宿或菴寺或房店無定處余曾為作

供然謂是脩報僧不之奇也和尚故不說佛亦不識字崇

禎辛巳忽畫家畫己像口占皈空偈令書其刻之偈云一玄

無世界一佛寂無身一法本無法一正野野僧恩將寃報世偏多

不如及早離閻浮此心不了何日了急向婆婆一筆勾胎前行滿

駕虛空拔起蓬萊八面風直使落洋人不識柁杆撥轉斗牛功爰

肉團	知此	問我	初四	真大	尚初	衣復	有	此	舍利	無踪	河苦
打	物地	我大	日約	大圓	初無	至巖			與君	除相	海渡
開	水風	孰為	四十	哉其	名氏	畔自	何須	道場	收不	布施	千萬
枷	火四	真我	餘歲	生以	偈尾	投江	大衆	費民	用人	拋江	人人
鎖		所共	永嘉	正月	書大	中初	念彌	財世	工火	流魚	道我
白		指者	茶山	初四	圓了	尚浮	陀刻	上恩	土埋	鱉逢	空梢
		不離	人頌	日出	悟偈	水面	畢見	緣一	魚鳥	之任	公日
		皮裘	曰	家以	因以	人欲	者無	夜無	隨緣	他求	日日
		油入		三初	以大	援之	猶不	全憑	一頓	百鳥	世間
		麵中		月初	圓和	則已	知何	心地	齊普	飛來	談般
		拔之		四日	尚號	減矣	語初	做功	渡因	食一	若一
		不可		書偈	之若	沒矣	五更	夫性	緣皆	飽也	乘飛
		那		以七	和尚	和		中自	如	也無	去我
				月	者						

珠對室集

斤工八...

魚管他甚麼如是佛言真我無我大眾一齊努力擔荷

江供大圓和尚

我師佛門大自在漢兒戲捧喝猢猻翻公案直見真佛不謗不贊淨

穢鬧岑無有兩觀撒身飛潛偶似三段悟了覺圓任渠分散衆見

洪濤師則彼岸我今供師無所讚謨即心即佛師久提喚鑒我一

誠復來江畔

溫處兵憲再唐陳公政績序代

客歲博陵陳公繇泉部奉璽書治兵

上而公既行二日矣公至甌未數月將卒官吏士民萬舌同聲僉

謂前是治兵者未有亡何公不嫌於當事者風雨驟至公遽拂衣

歸甌人士駭且譁躡公轍公不得行顧欲不奪公則自難欲奪公

則又難公計無出會鹽使者馮公按甌則盡甌之童叟婦女出白

馮公以	千計馮公峻事去并躡馮公轍使不得行曰還我百姓
兵使者則還天子鹽使者馮公既俞民請許入告俾公視事如舊	
民稍禁譁然中設	無所待命兩越月搖搖如懸旌未有寧寢
也	乃從容通告父老子弟幸毋復爾安能用公徇私乎詞色婉
愷萬心悚洞計終無出卒聽公去余聞曰嗟乎公之於民深矣顧	
公亦數月耳何以得此及讀某生所為公十八略而知公之被於	
民者弘濶而民之皇皇於公者真不能已也雖然公亦數月耳其	
可以十八畧見公者又安可以十八略盡公者哉余則一言以盡	
公日誠而已公之見於治績者其一二才人能辦之即無其才而	
竊竊然動於名者亦竭廢	則夫民之應之亦止如此而已公真
意反身	學翔乎其中而溢乎其外若萬物之生
而天地之氣不盡於萬物若江河之浸淫乎水而水之	

朱對堂集

斤工八...

性不盡於江河公可涯淡測矣聞公且憇息西湖不欲復聞天

下事即公論久而彌著天子終不能忘公然公既往而謳思不忘

吾知其無所為而為也易曰有孚惠心勿問元吉有孚惠我德其

公之謂乎抑余猶有聞焉天子六計弊吏率計安元循良曰

善識曰能共不懈曰敬持正不傾曰正守法不失曰法臨時

不惑曰辨公一誠出之六者備是然而小疑之情卒不能得之天

子所為計安元元者何如哉甚矣之重閭閻之卑而古今治

終不可以相及也則又安能以無感

永嘉令龍友揚公政聲序代

古有之作詩是此詩定知非詩人余亦有言作吏是此吏知非

吏才或笑曰墜言哉余曰不然琴何與絳絲花何與稻稷宓子潘

郎顧隻千載歟或曰雖然今海宇非無事也夏瀆冬陂務有攸宜

余曰是不然譬諸鼓舞扶旋猗那譬  
熙叢蒙杪勁觀者無不

損心酸足而其人乃徐行  
被擢有然夫非神餘於

物哉故真禪無禪氣真  
學矣重學氣真詩無詩氣真吏無吏氣

則龍友楊公其人歟公上以家  
才浮雙鳧從田間啜井泉弄白

石而芝田以治吾永人士接水一方而  
近過屠門而大嚼意思一

飽蓋人情也事集若秋荼而公手則若  
抽獨繭情洵若沸湯而公

心則若點爐雪奸窟  
蟲射若蝸隘而目則又若披秦鏡拂粵鍔

蓋未數閱月而永所素稱戴星櫛雨電  
矚風馳恐弗及者無復有

而公乃幅巾杯酒進諸生於玄刊謬  
釋惑各得其意公於是

乎聽潮聲之激盪將弔文卓於江心  
滴華蓋之蔚容成於

玉洞尋草間之遺夢灑池畔之墨痕  
將招王謝於頽垣殘碣而閑

雲冉冉几度及門白鹿吻吻數番  
白事千村靜犬萬井縷烟皆入

朱對堂集

斤工...

我公詩料畫譜中矣而亦代寫吾公最績冊循吏記矣若我公者

吏哉真吏哉以予所蒞青齊之墟古所稱鬪雞走狗六博蹋躡

者今且流離雕劫不可勝狀起溝瘳瘵為吏苦以視吾桑梓之地

庶幾華胥一夢焉何時拂松臺一片石布袍草履散髮其間望壠

上青苗聽溪邊碓響雜犢兒饑叟為公康衢之章乎正恐花磚

黃闥旦夕奪我公以去不果此緣耳欲乞使君濡染此色使他日

置籬際中時抱膝一詠嗒馬衆山皆響公其母恠鶩溪一幅也

先子榆枋草書後

右先子榆枋詩草一冊始於萬曆戊寅歲二十四歲也編年或存

或缺蓋散逸者多矣悟真寺書舍龍首朱氏墓廬為先子讀書處

蘆江及鹿芝書屋則二三子所從問業也鹿芝書屋祚昌偕伯兄

侍側其在蘆江時尚幼曾有詩勗祚昌兄弟憶起語云我去課人



况我况誰與課永夜自思之輾轉不能卧自今讀之方知其語之切也乃并其簡失去趙簡子之棄而不錄殆其謂乎先子於古文詞好李于鱗王弼州諸家作法於詩獨不好王李以為詩者我之志我之學我之時與遇存焉有不可以倣古得者嘗書卷首云潘邠老有言七言詩第五字要響如圓荷浮小葉細菱落輕花是也余竊以字字活則字字響故先子之詩其音清以越其氣夷以卓其旨近而遠其體雅而風其法正而游於自然至無字不活無字不響則尤其大凡也然而讀先子詩者又不當獨論詩先子當萬厯初載海宇寧謐畜厚力強不一刻忘黻黼鴻業鼓吹休明之志故其詩曰翩翩南陌已鳴珂及其屢蹶武林睽違初志則引命自安嘗慨然諷白樂天為龍未必勝為魚語以自慰故其詩曰天池亦恐難為水讀書談道樂以忘貧故其詩曰明朝行拾穗甘與野

人群信步聽天不尤不怨故其詩曰整理秧田日來嘆見利思義

一介不苟故其詩曰千里毫釐只此岐一體萬物痛無我故其

詩曰萬井同時一磬懸又曰乾坤胞與意豈我獨然若夫瑟御

寫幽閔周南之旨也吁嗟藐爾萑芻以珠彈之夢草句也喜看桃

李長新陰藉之有咸也碧峙清流嘗膽成霸情深一隙駒河汾之

教也八平其次處錚善下猶龍氏遺旨乎望川亭其飲源泉知源乎

感物咏走馬鐙也其獻賦不偶乎君即不知情欲盡孤鴻切慕哀

朔風黯澹天一摧靡靡濁世盡錐刀其友誼乎天地神明未可瞞

其有感於育才館之一碣乎其心跡光明犯而不校者乎人倫大

端哀樂正肯感時托物正容罕譬則無詩非趨庭之訓焉至於孺

慕之誠永言之思有步吟慙謝雪清夢入慈闈荆花映彩班百歲

並潘輿等句而樹梅隴瞻謁詩無歲不見此猶終身如一日者乎

士子癸丑恙病瘡時作讀之無一雉噫聲嘗云如何椒山廷杖時  
於時手錄王陽明先生語及朱子晚年定論等書以自娛嘗稱陽  
明先生與門人云病物亦難格以為至妙蓋先子斯時於大根月  
窟青山綠樹之肯證悟深矣一輪明月印蒼苔豈非徹上徹下有  
始有卒乎詩草嚮名榆枋至病中書懷詩結句云扶起榆枋聽鷓  
秋復特作七圈以絕筆然者嗚呼乃遂成逍遙曳杖歌矣豈非天  
哉豈非天哉祚昌闡述先子易學於永嘉荷華池院以諱日歸簡  
原稿蒙翳蠹蝕不可復讀敬重錄一冊將時覽焉以見先子之志  
亦庶幾愜然如聞寤嘆之聲云爾如日退而學詩痛已晚矣

四書唾餘序

比歲課兩子讀書苦其魯取紫陽氏集註令熟之復為刪其肯煩  
而文泥者然每與語其要妙不便曉曰是非可以口舌得也余每

好讀李卓吾先生評揚復所先生眼兩書謂其首在言外可以思  
 而得之因復為錄其至者并園史中語而兼以己意今於言前言  
 後言左言右自參之自度之當忽然有所得也門人始如氏見而  
 悅之書一通去急呼而語之曰此唾餘耳勿泥

勿

溫州

珠樹堂集 崇禎壬午

簡李天棟社長畧

易庵學人王祚昌玄翼父著

門人周天鏡焯如父錄

第每謂海內人物實止此數桑梓中如吾兄之鍊才周際翁之介

性索之當世恐難其匹天子不次擢兄為耳目臣而以灌輸大計

昇之誠鍊才肆用之秋而際翁乃竟困之東省起瘠解懸鑽眉蒿

目雖齊民賴之更生然弟謂如此翁者令之執持總憲風示百爾

使天下廉恥日生穢形滌善為生民裨尤為無數非僅區區一

方油雲沛雨已也弟數載讀書其齋中寒儉之狀真有不啻如人

言所及者諸子恐其得罪長安貴人祈邀惠於吾兄顧斥斥不能

出諸口我兄於際翁何如人而必待小子輩之諄諄哉人亦有言

珠樹堂集

五七八頁三十一

為國非為私也便中數字聊托壯風

山東武舉鄉試錄序代

今歲壬午復當大比士維茲十月文事既告竣矣陰氣聿凝旋脩

武典於時直指某公集材官良家子三試之拔伎勇之尤者然後

晉之棘圍以論策竟厥後上崇業也恪新典也昉夫文場之終夫

騎射爾馴格得士六十人予不佞既酌酒歌詩以樂之復從而獻

疑曰天地之道陰陽不相賊而相生聖化王之化文武不相雜而

相成古者丹書之授出自太公文德之矢聞於召虎文武為憲頡

頑二子者指不多屈也今欲責舉旗拔石以武庫之二索穿揚

逐電以筆陳之五花是何昔人所為扼腕者而今獨易之夫烏陰

也然未聞赤轡之周於夕也兔陽也然未聞素魄之麗於旦也陰

陽之私夫寧有雜而人相賊者聖天子若曰吾合之得其全分之

不失其偏取真焉爾今天下多故極矣弗論其他奴酋之逋誅也  
二十餘年矣流賊之稽討也十六載矣天子拊髀而思多士扶扶  
而起誰不加家五慎九變而人三畧六韜一朝得志而藏身之固如  
藏舟於壑寇至則遁寇退則驅之耳而天下於是有飽賊兵之虛  
隸於籍者稽歸帥兵之實隸於伍者債亦歸帥而天下於是有飽  
將且劫奪之手賊去即在兵農夫之頭稱功即是賊而天下於是  
有飽禍夫如是者誰獨非天子所能羶而夢之頗牧而望之者乎  
而一旦至此多士亦既痛心疾首而思剗其肉矣今日六十人者  
誠得真扛鼎其人真貫虱其人真奔逸絕塵遶身若環其人斷頭  
裹尸併心國恤各持一伎以報明主亦庶幾紆憂雪恥不負賓興  
之盛猶愈於寬衣博帶說劍賦詩無救緩急者萬萬也今茲之典  
取真焉爾至夫揮羽扇而以破戎借前籌而以決勝此至道之精

變化無方能武能文能柔能剛殆將起太公召虎而揖之即爾鄉  
先哲如孫如吳如田猶瞠乎不敢望其後塵不佞豈遂謂必無其  
人然而刻鵠愈於蒙羊升斗之水急於西江之活久矣多士母以  
予為墜言哉余言要亦猶夫取真焉爾尚交勗諸

直指宋公傳畧

直指宋公者諱燾微時有室殊麗黠紳某以百金構強盜為攬公  
名公得死罪繫獄紳乘其窘納為繼室生二子且長矣一夕飲於  
月下酒酣謂曰汝初從窮漢子遊朝不謀夕今珠翠盈頭羅紈曳  
地且得二子誠福分應爾然非我工於謀安從至此乎隨語所謂  
因語曰吾向從某處得見汝美以百金構賊陷宋死罪乃有今日  
耳妻聞語殊為不怪繆欣然曰真君賜也可無盡歡舉卮壽紳并  
飲其二子極醉而罷是夕持利刃殺紳并二子次日詣府自首官



於獄中取公對質既明公補狀訖即自殺謝公失身也既公寃得  
 白下幃幃讀書成進士官至直隸巡按御史為木主出入與俱終不  
 復娶及報績投揭相公拂衣長往不知所終揭畧曰職自三十三  
 年蒙閣下陶植濫竿柱下偶承人之叨後江南奈風土南北異宜  
 遂得脾疾伏枕多時調理無驗屢疏乞骸天聽轉高病勢增劇對  
 鑑自窺形銷影瘦不久當為地上骷髏而猶日羈榮辱之場苦惱  
 之境從神勞形何其不自憐耶且夫寒往暑來鳥飛兔走逝者如  
 斯滔滔不返浮生幻妄泡影電光古之人力足拔山扛鼎而無藥  
 駐顏智足罩地籠天而無繩繫日七情六慾擾擾於中固我將迎  
 憧憧而起直至一身了當萬事都休如戲局一散而塗眉畫面洗  
 去無存止還本質如獵場一罷而惡鷹猛犬威力都消化為烏有  
 翻思離合悲合歡之狀搏擊奮噬之形徒付之白揚青楓瀟瀟風

云	洞	謝	命	老	幽	舊	將	而	罵	保	雨
閣	訪	盡	復	以	竹	橐	拋	死	由	持	而
下	玄	一	蘇	終	之	猶	之	豈	人	性	已
每	客	生	假	身	綠	存	大	能	寧	命	職
聞	之	之	我	寒	陰	松	江	附	死	又	思
人	蹤	閔	三	不	聽	菊	中	勢	不	云	及
言	俯	事	十	出	空	秋	流	阿	去	職	此
輒	狐	然	年	熱	巖	清	儵	黨	年	每	慨
云	蹤	後	不	不	之	故	然	希	未	見	然
慚	鬼	遊	老	出	流	園	此	憐	疆	世	長
媿	穴	海	當	風	水	可	身	取	仕	之	嘆
欲	吊	島	讀	不	笠	戴	粹	妍	輒	羶	惟
死	名	登	盡	出	可	可	白	曳	思	慕	欲
即	賢	峨	天	雨	可	可	無	裾	挂	仕	忘
古	之	嶠	下	不	策	策	瑕	於	冠	途	形
赤	跡	涉	之	出	披	而	飄	權	蓋	者	胎
為	焉	五	遺	者	藜	纒	飄	貴	與	烏	息
几	往	嶽	書	孤	可	醒	一	之	世	紗	靜
几	而	覽	閱	雲	羹	日	葉	門	不	一	慮
之	不	會	盡	之	藿	兩	之	哉	合	戴	存
風	得	稽	世	來	可	殮	輕	象	寧	着	神
何	道	歷	間	往	飯	而	圖	冠	蹈	肉	離
以	遙	仙	之	倘	伴	度	書	繡	東	生	煩
加	哉	丘	人	得	野	歲	數	服	海	根	却
焉	又	丹	情	微		坐	卷	行		笑	囂

但受善之懷不在明示人以言而在嘿喻人以意若陽受而陰拂  
暗裏機鋒潛峻磨犬而登高一招萬聲響應無翼而飛無脛而走  
人且窺其所愛者假而所怒者真千態萬狀皆從此出此乃古昔  
之陋習閣下必不然職亦不願閣下之有此也職已去之人何媚  
於閣下而特為獻諛何求於閣下而復為煩聒竊意當今險惡之  
人貢諛以逢閣下者必謂優容和柔非所以怵人心乃借威儀震  
嚇宇宙箝制人言禁革抄報此等舉動雖五尺童子亦知非聖上  
之意又將誰欺今且輕喜易怒權重黨多逆其意者未有不湮鬱  
順其意者未有不疏暢封疆名臣有九年積勞而不得一遷衡門  
大賢有舉世仰慕而不獲一用卽侃侃正直之士一言不合而排  
之抑之若無地以容身恐天下有以窺其隱矣唐虞之世不廢吁  
咈宇宙廣矣大矣必欲盡人皆頌功稱德無少觸犯自洪濛以來

亦無此世界乃一聆人言動云連結朋黨威箝人口長唯諾之風  
銷慷慨之氣使彈章變而為保舉寒蟬化而為喜鵲逞心腹才爪  
之威借日月雷霆之勢月旦之士必有皮裹春秋豈謂世人盡可  
籠絡也職行矣廊廟江湖一時懸隔斯言不聽職固無如閣下何  
冰清玉潔編茅而居閣下亦何無如我何如必授意於人加以三  
字之獄職謹席稿待命刀鋸鼎鑊皆所不避本欲具疏條陳數款  
又恐當事者駕言構陷同喝應聲謂某事將行以言者阻之一口  
黑血當頭噴下職雖百喙將何以自白哉今而後望閣下寬放肚  
皮以運舟之腹納天下之善勿作喜勿作怒終日戚戚顛倒夢想  
為淺露輕薄之態以貽識者笑山野鄙人冒觸尊嚴死罪死罪王  
祚昌曰古得道之士率以忠孝節義注名仙藉宋公夫婦之間不  
得已以節義見至其拂衣長往猶於君國之故不勝惓惓斯其人

真可風世可以經世可以出世者顧未能詳公字號為某處人某  
科進士其烈婦未審某氏余之為宋公傳綦矣畧姑俟之

病遊雁山草二十四章

余遊雁山非遊也病不敵名故出門名不敵病故入山耳  
病不能穿筆鑽墨散髮擠柵顧能策蹇度梁吸泉探穴余  
乃真病夫余遊雁山詩非詩也詩則烟浮瑞靄丹梯翠碧  
壁等余無是料也鬱噫為其思嘖野為其語削颯為其氣  
聊意寄焉可耳昔昨林叟謂袁公爾有病袁公喜余幸有  
病矣余詩幸有病矣

出門何草草

射策赴西湖余初髮未燥積今卅餘載風塵幾潦倒同學無賤人  
深林有埋橐疲頓卧耐齋散髮舒幽懊妻兒勸我行但道做管好

勉强負笈去出門何草草余嘗埋文稿虎溪之曲

温嶠

出門何草草登途何邈邈馬馬復車車江流猶瀟瀟舟子招叩涉  
叩涉人逾少夜瞭玉環山賊颼如飛鳥面覩藍草青心撮芝蔴小  
失脚踏渡船此錯何時了

五里涇

此錯何時了朝陽忽到船我行過温嶠脫險徙平川豈料入河涇  
暴客叢青竿刈人如刈草駭我去復還疲病既如此况復多屯遭

太平道上美人峰

去去安所之歸途無有定迂曲向太平可耐腰肢刺道見美人峰

動我鴈山興

南閣拜章恭毅先生故居

未窺山一班群峰霄漢間先生自壁立何必產茲山

懷曼亭先生恭毅先生子

朝與雁山俱夜與雁山宿海內聞名自怪奇夜夜朝朝章子屋君

不見阿父抗章當土木阿子觸奸墀下伏一扶心肝一痛哭直是

尋常茶與粥

老僧巖

策蹇繇南閣遵途逢老僧初猶背余立繼則送余登稽首一借問

入山應未應

石梁洞

鞭石為梁循梁入洞猜厂非人窺天一癡此日此身疇云非夢

靈峰洞

仙人剝去石龍髓撒下龍身炙作脯無肝無胃也無腸中空外合

隙如戶偶然懸掛碧霄中  
螻蟻入焉稱奇宇繩繩媿媿走深空  
雨

晴寒暑一無覩千歲萬歲晒不乾  
點點滴滴流剛鹵我欲碎之進

簞簞斷斷能勿憂齒齟巨靈失斧神  
禹愁不見靈峰真似瞽

五老峰

世言千歲人可以作蔡著我鬢亦已白  
我力亦已疲我險亦已慣

我皮亦已癡或為絡足馬或為曳尾龜  
或為厲隼飽或或寒蟬饑

為險步而速為夷趨而遲端拜五老者  
為我命所之

謝公嶺

謝公不以雁山重雁山何以定謝公  
爭言蠟屐曾經此人世寒溫

大抵同

謝公嶺驟雨

薄福到處劇深林  
枝我看五丁觸山漏  
七月侵衫寒風掃石將墮



人俛肉一團入山尚似此何獨利名難

一線天

在處逢碧翁而今方仰面人間奔詐苦無門不謂山間亦一線

靈巖寺

或云天縱靈巖區天下奇觀萃此窟或云造物仇此山剝此膚剝肉

及其骨是仇是愛且莫爭生者可死死可生君不見股鉏舌敝揣

摩成又不見司馬氏腐丘明盲又不見兩足重繭一子羹井水廩

火姚家兄

天柱峰

生平自負具骨性縱遇名山未便談以今瞥見此天柱疇昔知見

如嬰雛尊可齊天莫敢指勢欲庵人將疾趨不作巖頭少眇巧直

是世間大丈夫吾來一拜復一呼南者失智北失愚吁嗟乎雁蕩

如此僅一區何況東西南北海之大乎

卓筆峰

何年瞥向山中擲龍神驚起雲霞役端然鋒銳可摩天猶伴孤松  
對幽石  
咄咄咄復咄咄何事懸空書不歇幾番煙雨潤莓苔尚爾凌風  
起超忽

龍鼻泉

曩時鼻孔獠天欲向人間布雨病困歸來洞中一滴竅中甘乳尚  
然外救盲睛內瘳塵襟穢腑一入一出兩無補空向人前譚縷縷  
龍內向鼻下垂水滴滴從孔中出可瘳目疾

大龍湫

洞不見靈峰峰不見天柱泉不見龍湫有目如無觀壁泉與嶂可

如何嶂似王臣泉似主泉勢低垂威逾寒嶂方壁立向天柱譬風  
與泉可如何泉如孝子風為父風號亦號寧亦寧風喜亦喜怒亦  
怒斜斜整整畫無譜恍恍惚譚失塵吐嗟千變總難名觀者但  
聽其自取要如至道不可聞休信人言點鬼簿

剪刀峰

再見剪刀峰天柱為有匹天柱極尊嚴剪刀尤奇軼剪裳贈玉女

剪華付卓筆剪雲雲常留剪旗懸月日以吾荏苒年兼之繞指質

處既不成處出又不成出憑爾剪一刀霍然起幽疾玉女嘗雲展

飛來羅漢

此僧宜此地卓錫非怪也驟脫韉鎖人真是飛來者

懷梅谿先生

方面長髯異所聞曾於夢裏細論文濡柔體氣關汴運起瀟才人

策漢勲夢中語指卅載如茲猶故我半生何者可同君遙瞻故里

徒滂涕雲外諸峰自夕曛

歸來乎齋中

歸來乎齋中回頭六百里層層水與仙時時驚復喜既已痛僕夫

况復別之子路橋別陳踏盡雁山雲盈盈雙脚底

歸來乎齋中屈指十二晝老婦問苦辛褲子薦梨豆但任圍帶寬

不許眉梁皺携得雁山詩盈盈滿襟袖

追

珠樹堂集崇禎癸未

易庵學人王祚昌玄翼父著

門人周天鏡焯如父錄

壽江右方伯王龍友先生叙

代

今皇帝單聰明破窳積撤懸減御以憂百姓隆恩赫怒以立臣子  
 至神聖矣然而中外交創兵農相煎黃塵晝晦烈雪春墮識者曰  
 天殆將興明主而啟之歟有之顧吾輩退食與思接膝相話誰懸  
 銀聲玉縻大官膳令至尊憂厘如是即無不人人汗下髮上也所  
 不汗下髮上者非人人而終不能人人創人人效何也此有謂曷  
 謂乎不欺一才一學一夫匹夫意偶有不平扶然起如不有身少  
 間落矣動於非其誠矣也誠矣才外疎則朴罔濟才矣學中餒則  
 慙將蹶不輒欺車之行也學與才輔車之輻輳軸也嘗持是說而

如也	無慮	農夫	湖間	下而	公而	以上	公遠	成之	中外	則吾	難其
江右	數十	之首	也蘆	夕且	公不	命賚	也南	顧碩	履險	輩耦	副每
之為	百人	謀馬	蒼之	輸聚	應公	邊飽	城新	且粟	耐劇	耳壯	私諸
文章	民不	遂掇	又吏	積而	項強	卒而	劔也	非耦	而吾	藉名	同人
樹氣	可劫	矣流	卒不	而市	而賊	不以	而公	矣則	輩亦	天府	曰吾
骨尊	而兵	寓之	知所	公於	賊毗	飽債	則成	公之	耦也	際	龍友
名理	氣不	胸媾	操握	於虎	裂矣	帥何	竹也	一入	猶農	四朝	王公
雅不	得不	矣而	氣哀	者動	江壯	歟魏	也	出必	然而	婁拜	云公
厭時	聚於	洞焉	於黠	於公	之積	賊方	無難	以三	耦樹	隆錫	弱冠
好以	盜湘	而公	盜而	深乎	逋冀	方啖	公也	者狗	之而	吾輩	操丹
故名	湖之	悉活	勇奮	乎流	以中	恐喝	睢鳩	吾輩	耦沃	幸又	鉛哦
宿數	波蓋	之活	於孱	冠之	中公	相扇	氏之	卻而	之而	耦至	社中
多	晏	之	民	始發	也且	索	役	宏	耦	歷	

奇公識拔士皆負海內之譽連售南宮者十有三人前此無有匡  
廬之間雖噫者顧安得長屈王公師我哉今日荆襄之事不復可  
言矣公之備荆襄也寇自豫突入城下公遽敗之城下沙市之戰  
寇一二伏而竄者相賀也當事者恨荆襄之不公也晚也乃其叅  
粵西也寇衡永而遂為全州之備增闕上游檄狼兵迎擊之盡殲  
焉而八排諸峒折首縱醜又何威而慈也庸服其心而已客歲分  
轄江國者非公乎秋闈例提調而并代御史以監臨無廢務而積  
弊以洗其整暇類如是蓋及今而始有公言於朝者曰主上  
海宇公急藩臬之長非所以老王公也乃亦宛如吾輩曲竈中私  
相語語紫宮獨座虛以待公矣公不欺為質出以無前之才淵沉  
之學天下事指發機應得全全昌若樓航之敵波臣而夏屋之待  
風伯豈區區南楚西粵等一方之庇足盡公哉抑不佞聞之天犢

而祀者人主也孟飯斝酒而祀者農夫也魚獸而祀者豺獺也大  
小不同其為不欺一也易曰公用亨於天子小人弗克上臣事君  
如君事天然公今日者操犢往矣吾輩將以孟飯斝酒從事其後  
他可以遜公者暴懷於日敢有欺者不敢為公壽公將許之乎抑  
謝諸

奠貞節孫太母代其外孫壻陸生

嗟乎某二十而有室則太母女女也太母女女方二歲而太母女  
殤方四歲而太母女之夫子殤太母女方三歲而其大人殤是於  
太母為失所天而兼失其女與婿也而在某為失其岳父母而兼  
失其太翁也豈不痛哉雖然婦人於其所天不帝其身也次其女  
又次其壻則皆戚男子於其岳父母則賓之於其翁則愈疏且  
夫某未問名未通幣則不知誰何氏不知誰何氏則悲哀不至於



心若夫太母則一殤一淚也一淚一血也再殤再泪也再淚再血也則當夫炎炎冷冷暮暮朝朝雨雨風風岑岑鬧鬧烏啼啞啞牧唱漁歌果熟穀升藥生花落景以序移感隨景觸日歷如年年歷如世世之所歷朱顏積漸而方雕幸髮驟看而難白亦何以為情哉聞之太母三十稱未亡人片户扁絕一老蒼頭治蔬注水穴壁置盎令外壁注而內壁汲有乞食者向門隙中畀之同室聞聲而不見影鄰室聞風而不聞聲若太母者方之古人誰讓哉太母僅一女而不能留或曰霜雪之威天以處隆冬之地而萬物不生太母之操凜於霜雪豈其然乎豈其然乎某不識太翁何狀并不識嶽父母何狀每見太母輒似見太翁見岳父母見太母哭太翁輒不能不哭太翁見太母哭岳父母而某拜於庭不知其淚之何從也今大母女女治醴刑牲供太母而某拜於庭不知其淚之何從也



唱師母隨師百母十聞母歸師十九而已育長次及代厥先妣母  
則宜男幾盈百指咸吮母潼貴而弗以子丑之歲次公連翔夢力  
報最比部星郎諸季繼起追琢其章熊九母也寧獨青箱母體愆  
和舉邑惶惑醫藥卜筮祠禱匍匐既考厥終既厚厥德格澤上奔  
百績靡得自天佑之福履其旋寒溫代序母何悼焉惟余小子罔  
滌積愆靡依匪母天只則錢有淚如河莫舒踏躅香箕青城藉焉  
以告八琅之絃雲和

瑞庠司訓張公署邑篆壽叙代  
鸞選輯遲鑒茲誠焉

天生聖人使治而教之而聖人之法則以治典予天教典予地無  
兼職也然而精神脉絡環流條貫五官盡然故夫司徒掌教亦曰  
司農儒者為之說曰民富而後仁義附也又况夫五官之長統三  
百六十屬者乎嘗觀九兩繫邦國一日牧以地得民三曰師以賢

得民而皆次於冢宰協於耦之法而後知治之與教自天子以至  
州邑之長率未有可以類別者類別處將以便不肖者之奉職  
恐墜而非所求於大賢之一往為質四達為才百恥具振為効者  
率是說也吾得之太倉張公公名都上族尊人某公以明經起家  
領某處上轄不憚輒謝去直指使者某公其執也慰留之曰吾把  
筆簷除間丹黃古作者孰與勾稽乃竟去蓋古人也公生而奇穎  
經子史語過目輒洞其奧方其沉酣理窟必出而徵諸事不欲以  
天根月脇内蒙其幽至遇錢穀甲兵刑名諸務復入而徵諸理拂  
跡歸道天則自齊蓋於事理之際融矣事理融故經術與經世一  
壬午徵對大廷哀然首舉循例訓瑞庠至輒謂弟子曰經義治事  
非兩極也撮囊蠹腹冀為則又曰今天下脊脊多故也豈以  
章句了諸生哉當事者才公遂以公署邑篆公則又謂弟子曰冀

黃諸君子誰非儒生者穎川渤海之治抑何彰彰也先是令瑞者  
率柔惠鮮斷野而狹狷者社而舞文者得因緣為奸或且矯持之  
而以意為法法窟奸而法竟斲公聲色不厲初若無能為者顧內  
治峻絕凜若帝矚革耗畏獨無與為市而滑且立而冰也木一歲  
計也三春恒暘土膏莫發懸種而呼足翹不下公屏絕一切步拜  
靈場不三日而甘樹注也木則大稔版十歲計也田多者首役黠  
則匿田是富不可不黠也士而田多者無汰役而肄士是士不可  
田也出此入彼權在吏弊積則譁僉議權則強有力偏肥瘠則譁  
清審權在上巧者遯悍者鬪弱者情求則又譁是譁無已也大蠹  
者從而炬之雖老於事者咸謂公罔所措手矣公曰藉燼草冊可  
定也不日定者罪稽情私議可公也服則從不服者罪賂蓋未浹  
月而累歲之者不勞而較若畫一至於伸璞愚抑強智而訟

簡也甘澹薄平物價而市安也勤鍊習脩城垣儲火海不波也  
 案牘之暇環列子衿抽發微言周咨窮隱颺清風於幽行採芳躅  
 於高賢有美必傳無芳不揭雖百歲何讓哉公年僅逾六神守物  
 諳力餘氣足事物之來接於虛公我無其意而物不知其然所謂  
 明鏡不疲於屢炤清流無憚於惠風者族豈難為累將不墜何有  
 於瑞今日者司農延頸司馬趨眉屯漕束手簧鼓積於宮牆鬼巫  
 綦夫周道公師而牧諸幸吾瑞治而教諸將幸天下明聖不欲以  
 資格量真賢久矣方將揉此萬邦聞於四國瑞豈能長窟屈我公  
 哉詩曰躋彼公堂稱彼兕觥萬壽無疆為君我也在泮飲酒既飲  
 肯酒永錫難老為師我也父老子弟風良古余不能從焉請父老  
 為歌七月弟子歌思樂而余則頌崧高之章竚而俟公於北扉

代內謝周夫人紅綉鞋啟

王門老婦謹致意周夫人敬領綉鞋聊激謝悃伏以新月同灣明  
霞比麗麥光乍啟驚看掌上雙蓮錦片傳來恰似雲間一葉茶惟  
夫人獨繭細抽金針暗度倚雲綉閣數番七夕乞天孫詠雪香幃  
幾度三更隨月姊祝君子也長如明麗之華俾弱息分獲詠參差  
之菜福履攸同服思無斁莫勝欣躍臨啟歛衽

左掖諫臣坊上梁致語

伏以鼎位重三垣青瑣封章紅日近星文垂九斗黃門聲價碧霄  
懸柱可擎天梁同砥石見任兵科左給事中某學檀一宗文成五  
彩畿南保障方看吉甫憲邦闕下陳言又見仲山補衣督漕江以  
北扁舟瘦馬千帆湊集津頭分桐河以南披月馳星五色啣來天  
上既經文而緯武亦代舌而作耕肱地厚天高望切商家霖雨山  
長水遠式昭甌海人文涓吉歡傳同聲作頌

梁之東扶光遙映五雲紅夜來啟事裁成未燕雀高懸殿角風梁

之西紫芝峰上鳳凰棲卿雲爛處薰風動鳴和雖雖擊拊齊梁之

南萬仞仙巖瀑布懸神龍曾向其中卧倏忽雲生雷起潭梁之北

虜突流橫臣子責請纓本是獻書人棟得補天石五色梁之上九

重夢卜須良相掃除氛穢返夷庚君家原有長源樣梁之下棟隆

便是萬間厦大庇寓內沒饑寒允矣不媿儒冠也伏願上梁之後

九闕廊清八圻効順颺言拜手再聞汝契汝皐破膽先聲人見一

韓一范片石山川齊壽奎文日月再爭光

龍巖胡先生贊代

邵水部按水部名建策嘗與余言瑞安胡龍巖先生古

人也初名可久七歲以孝聞方山薛公督學時為蜀名忌

順而字之孝卿蓋旌之也蕭公會兩浙名士於萬松社二



百餘人先君子偕龍巖先生與焉每以其文冠多士先生九赴省試不第萬歷丙戌方以明經應試額然已讓其友人蔣氏伯仲二次矣予以水部君之言為之贊曰於惟先生博學洽聞兩浙名士推為冠軍然先生既老矣能讓功名於其友方孺也能致誠篤於其親豈與夫收其春華而遺其秋根者耶嗚呼古之人古之人

姑母胡夫人贊代先子作

胡夫人者胡龍巖公夫人也夫人朱所自出余何得姑之

蓋夫人母王氏余祖姑也而歸平川朱公公故食貧余大

王父松坡公鑒識之厚資其學而余先子秋岡府君實受

易於平川公公既司訓吳戒其子姓曰必毋忘王余先子

學既成亦戒子姓曰必毋忘朱歲時伏臘子姓交集兄

兄弟弟孫孫子子猶同姓也故胡夫人得而姑之即予

得而贊之贊曰

嗚呼余既幾無以贊吾姑也夫子幼而知孝姑曰母怠爾夫子壯

而嗜學姑曰母教爾夫子名噪於吳越也姑曰母矜爾夫子之艱

於一第也姑曰母戚戚爾夫子之克讓人以功名也姑曰母德色

爾易曰含章可貞無成有終吾何以贊吾姑哉以此

戚子字說

戚子名用堅周子曰蓋字諸余曰器之堅者物難劇也志之堅者

業已就也何字焉雖然器堅矣可以辭靡鏢不可以辭切磋志堅

矣當以植德業不當以植意見故自以為是堅而不可破者道之

賊也不自以為是而虛以受人者道之歸也字之虛中不亦可乎

且夫純陰之卦繫曰堅冰得一陽之氣破除而出之其名曰雷雷

者甲之所由折而蟄伏之所由動也也生氣聚焉戚子之生以卯  
幼名卯夫卯雷門也破堅冰而出也有雷象矣弱冠字之虛中而  
他日亦可號曰雷門

温州府學重建啟聖公祠碑記代

歲辛巳郡學啟聖公祠圯矣師謂多士曰盍議建諸白司公

公曰宜也吁如公帑何給薄勸義載厥事顧日時曠久未有成謀

也越明年九鼎劉公守吾郡覩纍木踈踏不寧畀百金宛曲區畫

至誠動之而人人應之不數月告落多士僉謂余宜記諸余曰何

記乎曰詞制舊也庸記公功余曰唯唯多士亦抑知公之所以功

祠祠乎哉多士曰何曰吾人謂讀孔氏書咸知尊孔氏矣祠成何

待公也不若緇若衣乎黃若冠乎莊嚴其師而金碧其宇一吐嗟

間曰福利我易惑也如以利孰如孔氏董子曰正其誼不謀其利

朱對堂集  
所工公夏第二寺三教員知七行也

也	先	叔	宜	也	教	夫	明	也	覺	固	明
皆	儒	則	庶	孟	先	尊	於	仰	覺	然	其
名	配	仲	亦	孫	孝	夫	義	而	後	耳	道
儒	者	孫	進	氏	也	子	而	觀	覺	有	不
也	何	閱	之	者	先	而	後	俯	公	從	計
若	二	也	也	何	賢	必	知	而	殆	而	其
濂	程	而	曰	或	配	尊	禮	察	將	疾	功
溪	之	又	敬	曰	者	所	明	學	呼	呼	如
之	有	旬	叔	孟	何	自	於	人	而	者	天
有	大	別	非	懿	堂	出	義	事	覺	則	覆
諫	中	於	子	子	若	何	禮	也	之	蠢	然
議	也	南	歟	忘	子	王	而	多	歟	然	如
也	元	宮	庶	也	庶	者	後	士	夫	地	地
言	晦	也	之	益	若	上	知	寢	戴	載	然
行	之	或	何	孫	父	祀	教	興	天	然	托
雖	有	曰	日	問	非	之	且	於	履	之	而
無	喬	非	亞	孝	禮	義	為	孔	地	而	忘
所	年	也	聖	是	也	也	推	氏	而	不	之
見	也	亞	孟	也	不	子	公	而	知	其	忘
而	仲	聖	孫	亞	可	雖	之	忘	覺	愚	之
濂	默	父	裔	聖	以	齊	意	乎	後	繇	而
溪	之	激	也	祖	安	不	以	周	知	者	紆
諸	有	公	敬	之	故	先	告	子	使	愚	之
儒	李	宜	也	不	進	父	多	曰	先		
之	通	也	敬	之	之	食	士				

宗也故首諫議也為儒宗而進輔成則為亞聖而進激公宜殆然也配文廟與配啟聖祠其畧異與配文廟者賢賢也配啟聖祠者賢賢兼親親也賢賢親親義禮合矣教思備矣王道成矣多士寢興孔氏而忘之乎公之治甌也一以王道從事百恥具振非獨茲祠祠之新也數十載計耳公於其忘也呼而覺之此意則萬萬世矣公之所以功祠祠乎哉多士拜手曰敬聞命請書為記

候周際五先生

伏惟台履萬福國家多事之日政賢者盡力之時今天才非無才之患有才而自為用之患先生大才出之小心國事忘其心事苟得數人盡如此淺不濟矣語曰至誠感神何況有苗殆是謂也曲陽人之便附此數字瞻悚

請劉郡守啟  
由工部出守代

明庶風生桃李無言名物陽春氣布桑麻有脚隨公杜工部郊外  
尋詩謝康侯田行咨隱風流位望而今既已兼之趨步追隨茲後  
時何敢後也恭惟老師金莖瀾露玉樹臨風声咳文雄吞雲夢者  
八九清淨民一蹤柱下者五千原係造物有心故俾美人伊邇西  
江舊事家嚴久識人龍東海新波小子親看威鳳早從杖履之際  
獲蒙啟沃之私弄月吟風固無行而不與也礮刀括竹亦有美而  
樂成矣雖敬以無文為至而薦馨亦致其豆登且愛惟有托斯傳  
彼則傲或憑乎旨酒九區皆見日埃塵偏晞炤於隙中萬物盡依  
春蝴蝶豈紛飛於墻外中懷莫寫有類茲一遊一豫簾間坐破草  
痕鼓瑟鼓琴譚際掃開蒙氣命良寅侯肅啟申聞

寄閩將

南北糾繁事未平尚於扉下細論文甌江靜浪誰遺我溟海膚功

獨見君報國熱丹三尺在傳家清白一經聞遠瞻高誼雲霄薄雙  
鯉慙懃托水濱

真周翁代其族

嗚呼人生壯而有其志苟不能效儒生踴躍仰面屋梁著書聞當  
世則放脚吳江閩海先時奪嗜効古烏氏白氏術於床頭阿堵兄  
之子之母之不啻月骨也老而圖其安念黃金白襁不可以持贈  
閻老醇酒軟羊豕以為至交既憊矣不能不資之膝下此物大  
情雖賢如端木卜子弗能免遂則喜不遂則悲彼戚而斥之者亦  
無勿代為悲喜焉此今日某<sup>者</sup>率諸弟若子姪輩環哭吾叔祖而不  
能已已也顧吾叔祖非不能為烏氏白氏之術也智為之囊天為  
之概奇為之聚偶為之散而曩所為旦籌夕算累銖積寸者始若  
捲雲霧而風熱紅爐而點之雪矣吾叔祖非不宜男子也而乳之

而哺之而長之而彼大小兒者奪之去此某等所以益環哭吾叔  
 祖而不能已已也雖然則覺物窮則變語正則反悲極則已今日  
 者吾叔祖壯老之事去而托之冥不可知矣雖金玉犀象珠貝玳  
 瑁擁牀下子孫環列分而守之何益吾叔祖况兩賢壻視含斂手  
 足盡禮盡情雖孝慈子孫無以遠過他日奉柩而窆之祖丘吾輩  
 子若孫春雨秋霜則忘吾叔祖者吾叔祖其亦可以即安矣而  
 吾輩環哭吾叔祖而不能已已者亦可以少慰矣尚享

客譚

客言方士治鵝掌風甚効鹽鹵菜油各半碗合攪不住手白如米  
 糊先以抹患處常山木綿花子青松毛三物為烟薰之初浮發狀  
 殊惡即愈候也復一客言腹瘡如碗瘡唇外翻形凹不凹稍分脉  
 路水淫淫下一鄉人令取青絲泥雜木綿花和搗團其四周取藥



未調醋漸浸灌之癢甚醋入水湧盈盈泥團間俟稍痛決其團則  
以處平而唇歛矣任取膏藥貼之而愈問之則曰此為鮓魚瘡其  
形酷似藥末卽生礬也鮓見礬則堅見醋卽脆自然耳不覺失笑  
是客復言其女八九歲時好飯團時刻不出<sub>去</sub>手嚼良久乃一嚥奪  
之卽按胸痛哭一日忽冲寒吐出一赤物大如梅葉意血鬱也中  
一白色如蟲粘鬱中蠢然而動試以飯輒漸匿飯中遠之輒漸向  
飯移入蓋旣吐而與之飯團不喜矣意此物藏胸膈上不肯入胃  
故時時須以飯氣渥之歟余因思之世有癖嗜好皆病也唐莊宗  
好音樂一日不聞樂則飲食都<sub>美</sub>方暴怒鞭笞左右一聞樂聲  
怡然自解明皇好羯鼓<sub>喜</sub>琵琶每就寢非繁絃不寐梅學  
士詢好香時人謂之梅香吳中岳乙喜聞脚臭當值宴集忽然不  
見偵之則道旁有行客方企息理脚纏穢氣蒸蒸乙低回留之不

去也陸士龍名雲有笑痛癢着衰經上船水中自見其影大笑幾  
墮謁張司空華華多鬚以袋盛之雲見華不及拜而笑倒唐衢元  
進士不第意多感慨見人文章有嘆傷者讀訖必哭嘗遊太原屬  
戎師軍宴衢得預會酒酣言事抗音而哭一席不樂為之罷會李  
巖老寇朝一夏侯隱俱好睡諸如此類不可殫述是非有異病者  
著於心胸之間何以至此

奠門人周肇音名天鐘

崇禎癸未時惟仲秋終魄於東悲風四集肇音周子之謝公也既

盈旬矣友人王祚昌聞道不先一日差長悵冥明之不接痛今昔

之異時招新魂兮不歸書雲藍以代泣肇音乎肇音乎起而把余

酒聽余辭辭曰翳惟我周麟趾在野公姓振振肇音也肇音為

孫生次王父錫嘉元聲可嘉假伯父納之古鳧之治惟余把臂丁丑

肇初有所語子根扶藁鋤對晤漠	如數百餘年陸朱同異掃而空諸餘姚一篲先子於斯飲食寤寐	傳說緒言編者既敬炎寒聚袂風雨連床一知炬夜大道斯煌旁	及二氏出奴入王典嘗不易豈日無方嚴慈致色既莊而愉友兄	暨弟勉勉于于琴瑟靜好翼彼呱雛恤憂振困惠及吾徒而目晶	晶而髮策策而氣冲冲而神奕奕彼化兒者何忌何射何覆何慨	何洗何索鶴鳧不拂蛇虻相憐顏蚤錢永疇曰非天譬彼傀儡線	索不彼把握者曷其有愆無如兩老失此冢君妻孥兄弟割焉如	焚矧余偕子	以昕呼子不出能不子勤子舉訣余伯牛有疾	命夫命夫	而畢珍我唾餘神傳不律兒長付諸守而勿失 <small>音肇</small>	手書余四書唾餘屬續之夕子之文章絕筆解角創言鬼神邀知	令二弟珍藏以遺其子長漢子之文章絕筆解角創言鬼神邀知	冥漠塗曳而尾廟藏而殼子文余評化兆所僱 <small>肇音絕筆犁牛文</small>
---------------	---------------------------	---------------------------	---------------------------	---------------------------	---------------------------	---------------------------	---------------------------	-------	--------------------	------	--------------------------------------	---------------------------	---------------------------	---

未討官集

卷之...

貌塗曳廟藏余評已而已而殀壽不岐疇昔所論慟乎何為索子

非相子非皮純純各歸與子長辭

語也蓋其先兆云

非相子非皮純純各歸與子長辭

非相子非皮純純各歸與子長辭

非相子非皮純純各歸與子長辭

非相子非皮純純各歸與子長辭

非相子非皮純純各歸與子長辭

非相子非皮純純各歸與子長辭

非相子非皮純純各歸與子長辭

非相子非皮純純各歸與子長辭

相

子

非

温州市图书馆

溫州市圖書館